

四庫全書

史部

欽定四庫全書

明會典卷二十五

戶部十

漕運

國朝自永樂遷都於北軍國之需皆仰給東南漕運之法日並詳備今特具列於後

事例

運糧衛所

南京三十四衛

錦衣衛

府軍左衛

府軍右衛

府軍衛

虎賁左衛

鷹揚衛

廣洋衛

羽林左衛

留守中衛

神策衛

府軍後衛

武德衛

水軍左衛

留守左衛

龍虎左衛

羽林右衛

龍虎衛

應天衛

留守右衛

橫海衛

龍江右衛

水軍右衛

驍騎右衛

虎賁右衛

瀋陽右衛

金吾前衛

金吾後衛

旗手衛

豹韜衛

豹韜左衛

龍江左衛

江陰衛

鎮南衛

興武衛

直隸三十三衛所

廬州衛

六安衛

安慶衛

淮安衛

大河衛

新安衛

邳州衛

九江衛

蘓州衛

鎮海衛

太倉衛

嘉興中左千戶所

宿州衛

武平衛

壽州衛

泗州衛

河南潁川衛

潁上守禦千戶所

歸德衛

揚州衛

通州守禦千戶所

高郵衛

鹽城守禦千戶所

泰州守禦千戶所

儀真衛

興化守禦千戶所

金山松江守禦千戶所

鎮江衛

建陽衛

徐州衛

徐州衛

滁州衛

宣州衛

中都留守司八衛所

留守左衛

留守中衛

鳳陽衛

鳳陽右衛

鳳陽中衛

懷遠衛

長淮衛

洪塘湖屯田千戶所

浙江都司一十三衛所

杭州前衛

杭州右衛

溫州衛

寧波衛

紹興衛

台州衛

處州衛

海寧衛

海寧守禦千戶所

湖州守禦千戶所

嚴州守禦千戶所

衢州守禦千戶所



金華守禦千戶所

山東都司九衛所

德州衛

德州左衛

東昌衛

濟寧衛

平山衛

兗州護衛

濮州守禦千戶所

東平中守禦千戶

臨清衛

湖廣都司一十二衛所

武昌衛

武昌左衛

蘄州衛

黃州衛

荊州衛

荊州左衛

荊州右衛

沔陽衛

岳州衛

襄陽衛

安陸衛

德安守禦千戶所

江西都司一十二衛所

南昌前衛

南昌左衛

袁州衛

贛州衛

吉安守禦千戶所 安福守禦千戶所

永新守禦千戶所 撫州守禦千戶所

建昌守禦千戶所 鉛山守禦千戶所

廣信守禦千戶所 饒州守禦千戶所

永樂元年令於淮安用船可載三百石以上者運糧入  
淮河沙河至陳州潁岐口跌坡下用淺船可載二百石  
以上者運至跌坡上別以大船載入黃河至八柳樹等

處令河南車夫運赴衛河轉輸北京 二年命總兵官  
一員副總兵官一員統領官軍海運 又以海運糧到  
直沽用三板划船裝運至通州等處交卸水路閣淺遲  
誤海船回還令於小直沽起蓋蘆囤二百八座約收糧  
一十萬四千石河西務起蓋倉囤一百六十間約收糧  
一十四萬五千石轉運北京 三年令總督糧儲官於  
天津衛城北造露囤一千四百所 五年令山東布政  
司量起車夫將濟南府并濟寧州倉糧運送德州倉候

衛河船接運 六年令海運船運糧八十萬石於京師  
其會通河衛河以淺河船相兼轉運 八年令湖廣江  
西浙江三處倉糧除本處支用其餘糧本部差官督各  
該司府起運 十二年令湖廣造淺船二千隻歲於淮  
安倉支糧運赴北京其太倉舊納糧悉改納淮安倉收  
貯 又令北京山東山西河南中都直隸徐州等衛俱  
選官軍運糧各都指揮一員統領 十三年罷海運糧  
令浙江嘉湖杭與直隸蘓松常鎮等府秋糧除存留并

起運南京及供給內府等項之數其餘并坐太倉海運之數盡改撥運赴淮安倉揚州鳳陽淮安三府秋糧內每歲定撥六十萬石徐州并山東兗州府秋糧內每歲定撥三十萬石俱運赴濟寧倉令淺河船於會通河以三千隻支淮安糧運至濟寧以二十隻支濟寧糧運赴通州倉每歲通運四次其天津并通州等衛各撥官軍於通州接運至北京又令浙江都司并直隸衛分官軍於淮安運糧至徐州置倉收囤京衛官軍於徐州運

糧至德州置倉收囤山東河南都司官軍於德州運糧  
至通州交收淮安當盈倉徐州倉本部各委主事一員  
監督收放其儲運糧每石俱兩平斛斗收於官軍儲運  
止一尖一平定為例 又令各衛所運糧官軍行糧每  
負名不分遠近俱支三石 十六年令浙江湖廣江西  
布政司并直隸蘓松常鎮等府所屬稅糧除存留及起  
運南京外餘糧坐撥二百五十萬石令糧里人戶自脩  
船隻運赴北京通州河西等處上倉 又令沿河閘壩

每三處差御史一員備運 十七年令侍郎副都御史  
并武職大臣各一員催督浙江等布政司直隸蘓松等  
府起運糧儲仍令各部差郎中員外郎等官分投整理  
二十一年奏准每歲漕運以兩運赴京倉一運赴通  
州倉交收 洪熙元年令官軍運糧船內許附載物貨  
資給盤剥折耗之費 宣德二年令運糧軍船工部及  
諸衙門不許撥載他物致誤運 又令浙江江西湖廣  
并直隸蘓松等府起運淮安徐州倉糧撥民自運赴通



州倉其運糧軍士於淮安南京倉支運 本年差侍郎  
五員都御史一員催督浙江等布政司南直隸蘇松等  
府民運糧及淮安等倉官軍支運糧 三年奏准各都  
司衛所不差原選委官及軍闕不補者正官并首領官  
俱罰俸半年 又令各都司衛所選委指揮等官專一  
提督運糧不許別項差操軍士闕即為撥補 四年仍  
令江西湖廣浙江民運糧一百五十萬石貯淮安倉蘓  
松寧國池州廬州安慶廣德民運糧二百七十四萬石

貯徐州倉應天鎮江常州太平淮安揚州鳳陽及滁和二州民運糧二百二十萬石貯臨清倉令官軍支運山東河南北直隸府州縣糧徑赴北京其儲運軍船量地遠近與糧多寡如淮安上糧民船十抽其一徐州十三抽一臨清十五抽一給與官軍兼舊船運載 本年差

侍郎都御史少卿郎中員外郎等官催督各司府儲運糧儲 五年奏准運糧官軍船南京中都留守及直隸衛所於淮安脩理山東等都司於臨清修理湖廣江西

浙江都司皆回原衛修理有司給與材料 又令河南  
南陽懷慶汝寧三府糧運於臨清倉開封彰德衛輝三  
府糧運於德州倉交收 又令巡按御史布按二司及  
原漕運都指揮選軍管運官員軍多衛分指揮二員少  
者一員 又令江南民糧免撥附近衛所官軍運載至  
京量其遠近給與路費耗米 六年奏准浙江江西湖  
廣蘇松常鎮太平等府僉撥民丁及軍多衛所添撥軍  
士與見運軍士通二十四萬分兩班更替僉運 本年

差給事中御史於南京各衛會同該府堂上在外會同  
各都司按察司堂上官及中都留守司直隸衛所點選  
運糧官軍其管運官負不能撫卹以致逃故者從總兵  
官處治所虧糧仍令補還 七年令官軍運糧各於附  
近府州縣水次交兌江南府州縣民運糧於瓜洲淮安  
二處交兌河南所屬民糧運至大名府小灘兌與遮洋  
船官軍領運 又令增撥南京豹韜左等衛及各都司  
直隸衛所軍餘并見運官軍共一十六萬儲運糧儲

八年令兌運民糧加耗湖廣每一石八斗江西浙江七斗南直隸六斗江北揚州淮安鳳陽五斗徐州四斗山東河南三斗若民自運至淮安瓜洲等處兌軍者四斗

九年令漕運官軍有犯罰運淮安徐州倉糧赴京贖罪流罪五十石徒罪五等自四十石至十五石杖罪每一十一石笞罪每一十五斗 又令官軍運糧五百萬石以三分為率通州倉收二分京倉收一分各該兌糧處布政司委堂上官二員按察司一員總理 十年令

各處運糧官軍但有軟弱事故者於見操屯田軍官內  
充補其提督運糧都指揮等官許乘糧船一隻量帶官  
糧 又令湖廣江西浙江耗米俱六斗南直隸五斗江  
北直隸四斗徐州三斗五升山東河南二斗五升 又  
令各衛所官軍行糧止支二石 又令漕運總兵官每  
年八月赴京議事又又令各處起運京倉大小米麥先  
封乾圓潔淨樣米送部轉發各倉收候運糧到日比對  
相同方許收納 正統元年奏准充運糧務二月以裏

允完其加耗江北淮安鳳陽四斗五升浙江蘇松等府  
民自運至瓜洲允運者三斗七升淮安者三斗餘如舊  
又令民運糧至瓜淮就令揚州淮安府衛委官并該  
倉官攢見數交允 又令浙江湖廣江西山東河南中  
都留守并南直隸衛所官軍行糧皆於本處官倉支給  
如倉無見在於存留糧內平斛允支南京各衛於應天  
府原定各衛秋糧內允支舊支二石五斗今增為二石  
七斗山東河南北直隸路近者不增 三年令各衛所

運糧官有比試違限者俱住俸於淮安倉支糧運米數  
赴京完納復職 又令犯罪罰運者仍運該運之數無  
力者發極邊衛分 五年賞運糧官軍鈔指揮八錠千  
戶衛鎮撫六錠百戶所鎮撫五錠旗軍四錠加本處無  
鈔許贖本部勘合徐州迤南衛分於淮安所屬州縣關  
支徐州迤北衛分於衛輝府官庫關支 六年令各衛  
兌軍民糧兌完就出通關若路途遠衛所於本都司  
出給通關填給勘合 七年令漕運官軍若一衛有數



欽定四庫全書

明會典  
卷二十五

十一

船遭風漂流者委官覈實全衛改撥於通州及天津倉  
上納 八年令運糧船損壞撥附近地方產有物料於  
清江衛河提舉司脩造每處工部差官一員監收督造  
各衛所仍差撥官軍益立廠房相兼匠作用功及貽辦  
物料 九年令各處民糧每歲該起運京師之數先儘  
本都司衛所兌運其有不盡者布政司坐撥各府縣輪  
流運送於淮安徐州臨清德州等倉交收 十一年差  
本部主事一員於各處提督軍民兌糧 十三年令各

處兌運民糧每二石與新蘆席一領其淮安等處倉支  
運者每二石領墊倉舊席一領至京通二倉每百領除  
損壞止納七十領 又令兌軍糧料於東安等門并五  
府六部都察院等衙門及京倉收六分通州倉收四分  
支軍糧料於淮安徐州臨清德州等倉關支於通州倉  
收遞洋船運於東店倉收十萬石林南倉收五萬石  
又奏准各處原坐兌軍京糧或有災傷免徵者許於原  
坐徐州淮安南京該納糧改撥贖兌 又令各處解納

在京及通州倉糧每石俱一尖一平斛收兩平斛放支民糧  
送納臨清淮安倉者每石俱一尖一平斛收兩平斛放支官  
軍僨運俱一尖一平斛支赴京通二倉交收 又令湖  
廣江西浙江加耗俱六斗五升南直隸五斗五升江北  
揚州淮安鳳陽四斗五升河南民糧於蕭縣水次兌者  
四斗民自運至瓜淮等處兌軍運者三斗其兌運料豆  
加耗亦准此例 十四年令蘄州府委官督糧里及殷  
實大戶人等自運京儲旗軍退回屯守 景泰元年令

都御史一員總督漕運 又令蘄松常鎮等府民糧自  
運至瓜州兌軍者加耗四斗五升淮安兌軍者四斗  
五年令河南山東布按二司管糧官催督兌運軍糧青  
州濟南二府運送德州倉兗州東昌二府及河南布政  
司所屬運送臨清倉每石加耗四斗 七年令揚州迤  
南衛所運糧官軍每負名支行糧三石淮安迤北衛州  
每負名二石 天順元年令各處監兌民糧司府州官  
每歲承委後先行本部知會徑赴總督漕運官處比較

四年令運糧官軍雜犯死罪者比流罪加納米三十石共八十石於淮安徐州倉支運 六年江南糧運有未到通州者令戶部侍郎一員催儲就於天津德州附近倉分收貯仍量留耗米以待下年帶運 七年令運糧官軍犯罪者照例納米收贖罷淮徐支運糧例 八年令官軍運糧或遇風水不測損壞船糧若在百里內者務要府州縣正官在百里外者許所在有印信官司勘實結申總兵等官處如有詐妄罪坐原勘官糧米仍

依原定分數交納 成化元年奏准各處運糧旗軍附帶土產物貨河西務張家灣等處免其稅課 三年令

浙江江西湖廣南直隸衛所并南京各衛俱於本處支行糧三石江北鳳陽等八衛所并直隸廬州安慶六安滁州泗州壽州儀真揚州八衛俱於淮安倉支米麥二石八斗高郵淮安大河邵州徐州滁州左六衛俱於徐州倉支米麥二石六斗遮洋船并南京水軍左等八衛於南京各衛倉大河等五衛於淮安常盈倉山東於臨

清倉俱支米二石四斗德州天津等九衛於德州倉支米  
二石六斗 令蘓松等府民自運糧仍舊軍運 七年  
令運糧都指揮并把總指揮軍伴於相應軍餘內撥二  
十名就令駕船俱照運糧軍餘一體關支行糧賞鈔  
八年令運糧至京倉北直隸并河南山東衛所限五月  
初一日南直隸并鳳陽等衛所限七月初一日若過江  
支兌者限八月初一日浙江江西湖廣都司衛所限九  
月初一日其把總都指揮及領運千百戶等官違限二

十日以上住俸戴罪備運若連三年違限者遞降一級  
二年不違限者量加獎異三年不違限者量加旌擢俱  
奏請定奪 九年奏准運糧官軍盤剝費用正糧不敷  
總督等官出給印信文憑付把總官於太倉折草等項  
銀內借與完納下年照數送還 十年令湖廣江西浙  
江加耗每石四斗應天井江南直隸各府一斗五升徐  
州二斗山東河南一斗五升 十六年令各處運糧通  
加耗一斗各把總官變賣時價解送清江衛河提舉司



給與官軍造船其有司木料并抽分木植價銀停止

又令河南民糧歲用遮洋船於元城縣小灘水次領兌

又令蘓松常鎮四府歲運兌軍糧仍舊交兌於瓜淮

水次其瓜洲南京戶部差官一員督兌淮安委本部常

盈倉收糧官督兌 又令遮洋船運糧薊州者如遇風

水漂流照淺河船例改撥補數 十七年南京運糧官

軍行糧令江西蘓松等處該納南京倉糧就同兌運帶

去瓜洲淮安扣支每米一石增水腳價一斗五升 二

十年以河道淺阻糧運遲滯令所運糧已到者悉免晒  
颺每石加收耗米四升未到者令在京各衛所官軍人  
等於通州張家灣等處地方臨船預支三箇月每石加  
腳價米三升河西務七升其所兌糧每石兌運該收耗  
米五升并免晒米四升俱作正數放支如無本色者每  
斗折銀五分送本色庫其兌之未盡者俱於通州倉上  
納二十一年令每年本部差官一員於山東河南南  
京差官四員於浙江江西湖廣南直隸地方督同各司

府州縣正官并分巡分守管糧官將原會兌軍糧米徵完俱限十二月以裏運赴原定水次倉交兌不完者各管糧官住俸次年正月終不完者革去冠帶經該官吏并管糧委官拏問若民糧已到領兌官軍未遲或刁蹬者領運官叅問又令運糧把總等官每年糧完清查欠債旗軍開報巡倉御史及本部監督委官處不分遠近年分止依律加息三分償還其各衛所官借銀千兩以上者革去冠帶五千兩者住俸萬兩者降一級不許

管軍管事若運糧俱完不欠債至六年之上者許總兵等官具奏把總都指揮及衛所千百戶等官俱量陞一級又令運糧官負老疾不勝任者赴漕運衙門告驗聽把總官坐名報取代補若無相應官許於軍政佐二內取補規避運糧官負仍發上運旗軍不上運或逃避者究問仍發運糧又令各府州縣允運軍糧如十二月及次年正月不完者管兌官照例革去冠帶住俸至五月不完者經該官吏及管糧官從重參究若管運軍

官至正月終不到水次領兌者一體住俸候交兌完日  
問罪 二十三年令改造遮洋運船為淺船從新河僱  
運其該運糧并人夫亦照淺船例均派每船旗軍十名  
弘治二年議准每歲本部郎中員外郎主事內推選  
一員領勅催僱糧船禁革奸弊 又奏准漕運糧遭風  
漂流者勘實具奏將兌運京倉減除通州倉上納如漂流  
十石減除一百石每石省腳價米一斗正糧照例加耗  
所省米兩平收受以補漂流之數 又令官軍上納京

通二倉兌運者加耗七升改兌加耗四升支運并遮洋  
船仍舊一尖一平斛收受 三年取回各處監兌主事  
等官止令各該管糧官監兌 五年令運糧官軍借債  
但係三年以前者盡為革罷近年者止照律出息若放  
債之家倚勢逼放及擅執官軍考掠糶賣官糧准折者  
軍發邊衛充軍民發口外為民果有窮困衛所闕少脚  
價者許於太倉量借銀兩完納候下年照數送還 七  
年令兩京戶部仍差主事等官於湖廣江西浙江山東

河南及南直隸各府催督兼監兌民糧 八年奏准各處兌運糧每歲布按二司及直隸府州縣管糧官督屬徵收年終運赴水次候正月交兌如有不完提巡撫等官依例究治初違限一年二年者附過還職連違三年者以罷軟起送吏部其各該分巡分守管糧官員以十年為率五分不完者亦照此例把總及運糧官亦依限前去水次領兌如違管運官照府州縣例把總官照分巡分守例一體查處連違限三年聽漕運衙門黜退不

許管軍管事 十二年奏准自天津該運京通二倉糧

儲腳價不敷許令太倉銀庫借用如把摠等官縱容旗  
軍花費及私下還債以監守自盜論立功滿日帶俸差  
操債主以盜官物論罪勢豪官負奏請發落家人伴當  
發廣西烟瘴衛分充軍 又奏准運糧都司衛所把總  
官所管運船俱以十分為率若有一半以上違限寄放  
德州等處不行到倉者令漕運都御史提問降一級納  
米完日照舊管運一半以上者參奏提問 又令本部



會同兵部及漕運都御史等官考察運糧各衛所指揮  
千百戶廉幹有為者存留管事貪婪無為者革退另選  
相應官代補 又勅本部侍郎一員會漕運總督等官  
令本部原委郎中并收糧主事分投催備糧船如遇親  
王黃船二隻經過一時迴避外其餘王府各船務令兩  
岸分行撿牽不許混擠以阻糧運 十三年奏准官軍  
漕運將正耗糧米照數交兌不許折收輕賫及中途糶  
賣違者軍餘欠十石小旗欠五十石總旗欠一百石以

上者俱問發邊衛哨瞭百戶欠三百石千戶欠五百石  
指揮欠一千石把總都指揮等官欠三千石以上俱問  
發原衛帶俸差操若總欠數多總督漕運總兵等官另  
行奏請定奪原賣官銀責付領運交納所得價銀入官  
又定各處兌運衙門解送樣米山東直隸限三月以  
內江北直隸鳳陽等處限五月以內南京并江南等處  
限六月以內浙江湖廣江西限七月以內到部如有故  
違遲悞先將差來人役送問承行并管糧官吏行各該

巡按御史一體究治 又令運糧衛所各置文薄一扇  
凡兌過糧數并脚米多寡一應盤費使用及侵欺債負  
等項逐一附寫事完之日送漕運衙門查究

邊糧

事例

洪武二年令戶部於蘓州府太倉儲糧三十萬石以備  
海運供給遼東 四年令青州府官軍運山東糧儲給  
遼東定遼邊衛 蘭州涼州河州岷州洮州寧夏莊浪

西寧臨洮甘肅山丹永昌等衛軍糧每歲令西安等府  
送納大路官軍轉運邊衛 二十四年令蘭州岷州臨  
洮寧夏四衛官軍以平涼鞏昌等府民納米麥對撥供  
給其洮州涼州河州西寧莊浪甘肅山丹永昌八衛以  
各府見在倉糧陸續備運供給 二十五年令海運蘓  
州太倉糧米六十萬石供給遼東官軍下年同 二十  
九年以陝西各府州縣民轉運邊餉道遠令於驛道有  
軍民處置倉各就近地計程接運 三十年令法司將

徒流遷徙死罪囚人先自平涼起擺到西涼將運去糧米就西涼收貯候擺到甘肅完訖却從西涼起擺至平涼接遞每囚二名共買車一輛牛二隻運米四石後每車一輛再貼囚人兩名共當 永樂十年令陝西鞏昌臨洮等府稅糧以附近府縣民運納蘭縣抵甘州每五十里設一站令囚人及官軍轉運 十三年發山東山西河南及鳳陽淮安徐邳等處民丁十五萬運糧赴宣府各給行糧腳價仍免差役一年 十七年以口外糧

料數少令於京倉支撥選取營造次撥旗軍僱運其擺  
堡運糧及坐堡管堡官除軍職外仍於吏部聽選方面  
府州縣官內選取一百員差用以文職大臣把總管運  
十九年以宣府等處闕糧令法司囚人運糧贖罪雜  
犯死罪十石流罪八石徒罪六石杖罪四石笞罪二石  
二十年令各府州縣民運邊糧者各免差役一年

宣德三年令行在戶部差官以九月終發永平府屬縣  
民及東勝諸衛軍兼運林南東店倉糧於遵化城內供

給官軍 五年令歲開運平糧四萬石自京師至獨石  
立十一堡每堡屯軍一千名各具連車以六十日為限  
其開平備禦官軍輪班於獨石搬運仍令都督一員領  
軍防護伯一員總督 六年令五軍操備并彭城永清  
左右三衛旗軍擺堡儲運糧料一十萬石赴獨石等處  
差武職一員把總提督 七年奏准法司囚犯送本部  
通類差官押赴通州各衛倉支糧自備車輛運赴山海  
衛倉 正統元年令陝西各府歲納甘州各衛稅糧民

運至蘭縣自蘭縣起發軍夫運至涼州自涼州運至各  
衛 二年令山西歲運宣府稅糧一半改運大同 七  
年令直隸蘄州等府起運南京糧折銀五萬兩運赴陝  
西布政司轉運甘肅等處糴糧給軍 九年令山東等  
布政司直隸大名等府稅糧折布俱運赴永平山海江  
西等布政司直隸蘄常等府州稅糧折銀運山海遼東  
糴買糧料 十二年令每歲運糧十萬兩於遼東糴買  
糧料仍令直隸永平府永平盧龍等衛罪囚運山海倉



糧赴遼東寧遠等倉贖罪 又令每歲運銀十五萬兩

於宣府糴買糧料 景泰三年令五軍等營撥軍七萬

運糧七萬石於懷來每人給腳銀三錢 四年令法司

及直隸罪囚於通州倉支豆運赤城直隸并萬全都司

等處罪囚於隆慶衛倉支米運龍門 又令召人自通

州倉運米赴獨石每石給腳銀六錢馬營五錢五分

六年令法司罪囚領運通州倉糧赴宣府不完者發巡

撫官處減半自備米納宣府斬絞罪二十石流并徒三

一十六石徒二年半十三石五斗徒二年十一石一年半九石一年六石五斗杖每十四斗

雜行

諸司職掌

凡一應錢糧等事行移各布政司及直隸十八府州本部預為編置勘合并底簿二扇一扇本部收貯一扇發下各司府州如有行移將各該事件移付通類科通行於原編底簿內附寫置立前件書填勘合內云洪武某

年某月某日書填某字幾號勘合照會某布政使或劄付某府州仰比對朱墨字號相同行下所屬照依坐去勘合內事件施行候事完呈報到部於前件下注寫回銷緣由以憑稽考其內外倉庫司局等衙門官負任滿須從本部查考任內錢糧等項如是收支明白別無虧欠然後咨發吏部聽用若有虧少及收支不明必須究問至若本部官負考覈及皂隸更替公用印色紙劄等事悉皆理之

石刻職掌

凡沒官房租錢印造茶鹽引由錢法契本勘合通關等  
事時估除授給由吏役照刷文卷紀錄屯種夫役漕運  
差批通類遲錯勘合等事吏役各庫文簿改草考較編  
置通類勘合等事斛斗秤尺通類勘合稅糧通關市  
舶等事並皆掌之

事例

洪武四年令內外倉庫放令錢糧內則中書外則行省

第其字號為符券然後放出 十四年置半印勘合下  
諸司收掌六部都察院應有行移即便比對勘合朱墨  
相同火速奉行諸司亦置六部都察院冊七扇如勘合  
至日即便附寫緣由本衙門收貯仍將原文繳回內府  
其勘合附寫緣由明白滿日差人赴內府奏繳 十九  
年各衙門出納官物勘合令該部行文書下庫用印信  
手本於各門關防出入 二十九年令內外衙門關支  
物料本部編置勘合送內府收掌其該衙門奏領勘合

赴該庫比號相同照數放支 又令司禮監編置內官衙門勘合底簿本部編置在外衙門勘合與底簿內將一扇送內府收貯本衙門與該庫各收一扇凡各衙門開領物件自行開數具奏關出勘合填寫物數齎赴本部比號謄錄底簿僉押用印仍與該衙齎去該庫比號照數支領本庫將勘合送司禮監收銷或有差錯等項該衙門即便具奏改正用印鈐蓋 宣德五年奏准編直勘合付各衙門填寫實徵總數遣該吏親齎赴部查

理近者限本本十月遠者十二月到部自後俱循此例  
其各年開豁之數一體編發勘合令填繳以憑查勘



明會典卷二十五

# 欽定四庫全書

史部

明會典卷

二十六至  
三十一

詳校官編修臣裴謙

編修臣程嘉謨覆勘

總校官知縣臣繆琪

校對官編修臣莊通敏

謄錄監生臣王宜



欽定四庫全書

明會典卷二十六

戶部十一

度支科

經費

國朝賞賜用鈔錠胡椒蘓木銅錢并銀兩衣服等項不一其係禮兵二部掌行者具見各部惟歲給軍士冬衣布花等件係本部掌行故備載於此

諸司職掌

凡在京賞賜該用鈔錠本部量數具奏於內府關支凡有欽賞官軍人等當該衙門將該賞人名鈔數於本部委官處磨算相同將該賞數目附簿驗名給散其委官仍將日逐各起賞過鈔數開呈本部立案備照候季終本部將原關并賞過鈔數通類具奏及賞賜胡椒蘓木銅錢等項亦如之其在外如有欽依賞賜官軍及賑濟饑民等項本部約量會計鈔錠具奏委官赴內府照數

關領點闡明白於戶科給批差人管運仍行移所在官司如運鈔到彼照依坐去則例眼同驗名給散造冊回報本部以憑稽考

事例

洪武三年給賞四川鹽井等六衛軍士每名綿布二疋  
綿花一斤仍加絹一疋 六年給賞北平軍士永平居  
庸古北口為一等密雲薊州為一等北平在城為一等  
通州真定為一等 二十八年令陝西行都司甘州等

衛新發充軍者照舊軍事例給賞冬衣布花一年以後  
減半 永樂五年令賞賜北平各衛軍士冬衣布花該  
布綃三疋者內綃一疋折與蘓木一斤八兩該布二疋  
者一疋折蘓木一斤該布一疋者仍舊奉天征討旗軍  
原衛無家小并全家在京者全賞其北京有家小者在  
京賞綿布一疋原衛家小布二疋綿花一斤八兩為事  
發充局匠布一疋牧馬千戶所養馬幼軍於賊罰庫關  
賞舊衣三件 八年令甘州等衛洪武三十一年以後

充軍人數照舊軍例給賞冬衣布花 十一年令南京  
操練民間子弟并餘丁幼軍照例給賞夏布 十四年  
令在京各衛軍士該賞夏布三疋及二疋者內各一疋  
折新鈔三錠 十五年令北京所屬衛所軍士全賞本  
色布花遼東都司所屬衛分正軍恩軍有家小者綿布  
二疋綿花一斤八兩隻身旗軍并養羊小廝及老幼久  
病殘疾復役未及三年逃軍并習學軍匠綿布一疋綿  
花一斤八兩幼軍一歲至五歲隻身在營有一母伯叔

父母一姐者并六歲至十四歲隻身者各給綿布一疋  
綿花一斤若在營有一母一伯叔父母一姐一妹一弟  
者照養羊小廝例 十七年定賞山西都司所屬衛分  
布花則例振武衛正軍有家小綿布四疋綿花一斤八  
兩隻身旗軍并巡營守門鋪養馬看倉看草老幼久病  
殘疾復役未及三年逃軍綿布二疋綿花一斤八兩太  
原左右中三護衛太原左右前三衛鎮西衛寧化千戶  
所正軍校尉續添校尉并各護衛牧養馬匹軍人有家

小綿布三疋綿花一斤八兩隻身旗軍校尉巡營守門  
鋪養馬看倉看草老幼久病殘疾復役未及三年逃軍  
及瀋陽中護衛平陽潞州衛沁州汾州千戶所正軍校  
尉并巡營守門鋪養馬看倉看草老幼殘疾復役未及  
三年逃軍綿布二疋綿花一斤八兩山西行都司所屬  
大同左右前後朔州天城陽和安東中屯等衛正軍恩  
軍校尉并旗手等衛調去入伍軍匠有家小者綿布四  
疋綿花一斤八兩隻身旗軍校尉并旗手等衛調去入

伍軍匠及巡營守門鋪養馬看倉看草老幼久病殘疾復役未及三年逃軍綿布二疋綿花一斤八兩又令在京各衛軍士該賞布一疋者與本色二疋者內一疋折新鈔五錠三疋四疋者各支二疋餘每疋折新鈔五錠十八年令賞賜各衛軍士冬衣布花照先欽定賞賜例絹每疋折與蘓木一斤六兩胡椒四兩布每疋折蘓木一斤胡椒三兩十九年令在京各衛軍士該賞布三疋者內一疋折蘓木一斤一疋折新鈔三錠該布二



疋者內一疋折蘓木一斤該布一疋者仍舊在京者與  
綿布南京者與夏布其南京隨住北京者仍於南京給  
之 二十二年令在京各衛軍士該賞布三疋綿花一  
斤半者與絹二疋胡椒一斤該布二疋綿花一斤半者  
與絹二疋該布一疋綿花一斤半者與絹一疋胡椒半  
斤其南京衛所軍士止賞布疋該三疋者內二疋折絹  
一疋一疋折胡椒一斤該二疋者折絹一疋該一疋者  
折胡椒一斤 宣德五年令在京各衛軍士該賞綿布

三疋二疋者內一疋折鈔五錠南京各衛軍士全給綿布  
不支綿花 八年令梁城守禦千戶所軍士照例給賞  
冬衣布花 十年令軍士冬衣布花在京差監察御史  
給事中會戶部官在外巡按御史等官會戶部委官給  
散 正統元年令西安左衛旗軍調寧夏各邊備禦者  
全支綿布三疋綿花一斤八兩 增給遼東操備軍士  
綿花為三斤 三年令報效家人義男女婿民人餘丁  
各賞布三疋本色二疋折鈔一疋逃囚布一疋逃軍布

二疋內折鈔一疋綿花俱一斤八兩 四年奏准北直  
隸衛分軍士冬衣布花每歲七月中差官給散俱限十  
二月終回京 又令在京并南京各衛所旗軍力士校  
尉將軍人等該賞布花見在并征差在營有家小隻身  
及年十五歲以上矮小軍人在營有家小并年十四歲  
以下幼軍在營或有一母一伯叔父母一姐一妹一弟  
者征差運糧陣亡失陷傷故落水渰死病故但有長幼  
兒男同家小在營者在營亡故有兒男家小在營者初

年下屯關支月糧未收子粒有無家小者年老殘疾還鄉換丁在營有家小者王府隨侍旗軍校尉并養馬軍人醫獸操練民間子弟并餘丁俱布三正為事發遣征進在京有家小者年老殘疾無丁代役并習學局匠及赦前為事發充局匠俱有家小及矮小隻身軍人年十五歲以上者各衛燒窯挑柴看桐漆樹種苜蓿及四門廚房做飯食糧恩軍赦前收役在營有家小者俱布二正征差運糧陣亡失陷傷故落水渰死在營止有老軍

與隻身妻女并年六歲至十四歲隻身男及同籍隻身  
弟婿等項在營者為事食糧恩軍在營隻身者在營亡  
故止有六歲至十四歲隻身男在營者為事發遣征進  
在彼病故在京有兒男者旗軍年老殘疾無丁代役并  
習學局匠及赦前為事發充局匠在營俱隻身者赦後  
為事發充局匠及王府養羊幼軍小廝俱布一疋牧馬  
千戶所養羊幼軍舊衣三件征差隻身并在營止有幼  
男女年十歲以下候本軍回還照例補賞為事被監有

無家小候復役補賞 七年令陝西都司調去甘肅沿  
邊操備腹裏屯軍每名給賞綿布三疋內折鈔一疋綿  
花一斤八兩 八年令甘肅延綏等處操備旗軍有家  
小者每名給賞布三疋隻身布二疋綿花俱一斤八兩  
令陝西都司所屬寧夏中護衛河州洮州岷州寧夏  
左右前屯衛寧夏寧夏中靖虜等衛寧夏羣牧千戶所  
正軍恩軍校尉有家小者每名給賞布四疋隻身旗軍  
校尉并養羊小廝巡營守門鋪養馬看倉看草老幼久

病殘疾復役未及三年逃軍布二疋綏德衛慶陽延安  
西安右護衛西安左西安後鞏昌漢中秦州平涼等衛  
鳳翔守禦千戶所西固城禮店千戶所階州守禦千戶  
所平涼中護衛蘭州西安前甘州中護等衛甘州羣牧  
守禦千戶所鄭府儀衛司羣牧千戶所正軍校尉有家  
小者布三疋隻身旗軍校尉及巡營守門鋪養馬看倉  
看草老幼久病殘疾復役未及三年逃軍布二疋綿花  
俱一斤八兩寧夏在城驛并寧夏遞運所及高橋兒等

各驛遞運所恩軍花布各照彼處附近衛所軍士原定  
腹裏口外事例給賞陝西行都司所屬甘州左甘州右  
中前後涼州西寧永昌山丹莊浪鎮番等衛古浪城鎮  
夷守禦千戶所正軍恩軍并鎮夷守禦千戶所京衛紀  
罪旗軍并涼州莊浪二衛自買馬疋充軍報效士民有  
家小者布四疋隻身旗軍校尉并養羊幼軍巡營守門  
鋪養馬看倉看草老幼久病殘疾復役未及三年逃軍  
布二疋綿花俱一斤八兩 九年令各衛軍士該賞布



花許在衛妻子家人代領隻身無親者照數印封責親  
管官旗領送本軍 十年令陝西延慶西安秦鞏鳳翔  
等衛所屯田旗軍分調定邊等衛備冬者每名給賞布  
二疋內折鈔一疋綿花一斤八兩 又令聚落陽和天  
城三驛擺站四軍每名給賞綿布二疋綿花一斤八兩  
又令河南都司并直隸寧州衛南陽衛潁上守禦千  
戶所旗軍於延安綏德等處備邊過冬者每名給賞布  
一疋綿花一斤八兩鈔二十五貫 又令陝西延綏慶

陽二衛并西安左等四衛旗軍原調守邊備冬者每名給賞布四疋內二疋并綿花一斤八兩給與家小餘布二疋再增綿花一斤八兩給守邊正軍若本家有選差常川守邊備冬餘丁者每名再給布一疋綿花一斤本衛守城操練者照舊 又令河南都司所屬衛所旗軍於宣府操備過冬者每名給賞布三疋綿花一斤八兩十二年令陝西寧夏備禦寧羌衛軍士每名給賞布二疋綿花一斤八兩其家小在原衛者則給綿布二疋

綿花一斤八兩 又令廣昌守禦千戶所照例給賞布  
花鈔錠 景泰三年令永寧夜不收馬軍并保安等城  
旗軍內陸續解到衛新軍給賞冬衣布花 又定後軍  
都督府所屬通州右等衛所并大寧萬全二都司所屬  
衛所賞賜布花則例通州左右永平薊州遵化忠義中  
鎮朔隆慶東勝左右密雲中興州中屯左屯右屯前屯  
後屯營州中屯右屯左屯前屯後屯定州河間大同中  
屯瀋陽中屯茂山保定前後左右中定邊開平中屯天

津天津左右武清撫寧真定涿鹿左涿鹿盧龍涿鹿中  
神武中右等衛及廣昌平定蒲州梁城寬河等守禦千  
戶所正軍恩軍有家小該布三疋者內一疋折鈔五錠  
綿花一斤八兩隻身旗軍及發去異姓軍士巡營守門  
鋪養馬看倉看草老幼久病殘疾復役未及三年逃軍  
該布二疋者內一疋折鈔五錠綿花一斤八兩平定蒲州  
二守禦千戶所正軍及巡營守門鋪養馬看倉看草老  
幼久病殘疾復役未及三年逃軍該布二疋者內一疋

折鈔五錠綿花一斤八兩宣府前左右萬全左右懷來山海密雲後開平蔚州保安保安右永寧懷安隆慶左右龍門等衛興和美峪龍門等守禦千戶所除夜不收守墩旗軍布四疋全支本色其餘正軍恩軍并旗手等衛調去入伍軍匠有家小該布四疋者內一疋折鈔綿花一斤八兩隻身旗軍調去入伍軍匠隻身者及養羊小廝巡營守門鋪養馬看倉看草老幼久病殘疾復役未及三年逃軍及習學軍匠不分有無家小全支布二

疋綿花一斤八兩 又令陝西寧羌臨洮二衛金州文  
縣二守禦千戶所鎮邊玉林威遠雲川高山等衛及山  
陰馬邑守禦千戶所軍士俱照例給賞冬衣布花 成  
化六年令直隸遵化等衛所軍士調撥喜峯等極邊口  
堡守備過冬者有家小賞布三疋無家小者二疋 七  
年令各邊民夜不收給賞布一疋綿花半斤 十四年  
令給賞冬衣布花事故扣除之數該屬五府者送該府  
經歷司親軍衛所送掌印官同首領官封收待下年給

散 又令給賞冬衣布花以七月初一日奏領勘合八月初一日下庫關領十五日以給陸續給散 十五年令南京賞賜各衛軍士夏布每歲三月初旬取勘四月終旬給賞 又令遼東并萬全都司宣府前等衛守哨夜不收旗軍人等每名給賞布四疋內半疋折鈔 又令永平薊州沿邊關營操守軍士該賞布疋全關本色十九年令陝西文縣階州西固城守禦千戶所有家小正軍每名給賞布一疋綿花一斤八兩隻身并把門

等項布一疋如不足數布一疋給銀二錢綿花一斤五分  
又令四川茂州上班守備旗軍每名給賞布二疋  
綿花一斤 二十三年令賞賜軍士冬衣布花每布一  
疋折銀二錢五分綿花每斤折銀七分 弘治三年令  
四川建昌等六衛軍士每名給賞布二疋內布一疋折  
鈔五錠如無鈔折銀一錢五分綿花一斤折銀七分  
又令山西都司所屬衛所振武衛并雁門千戶所屯守  
正軍有家小每名綿布四疋本色二疋折鈔二疋綿花



一斤八兩本色一斤折鈔八兩隻身旗軍并巡營守門  
鋪養馬看倉看草老幼久病殘疾復役未及三年逃軍  
每名綿布二疋本色一疋折鈔一疋綿花一斤八兩本  
色一斤折鈔八兩保德州守禦千戶所屯守正軍有家  
小每名綿布三疋折鈔一疋綿花一斤八兩隻身旗軍  
并巡營守門鋪養馬看倉看草老幼久病殘疾復役未  
及三年逃軍每名支綿布二疋綿花一斤八兩太原左  
右前鎮西衛寧化守禦千戶所晉府儀衛司寧化等王

府正軍校尉有家小每名綿布三疋本色一疋折鈔二疋綿花一斤八兩本色一斤折鈔八兩隻身旗軍校尉并巡營守門鋪養馬看倉看草老幼殘疾久病復役未及三年逃軍每名綿布二疋本色一疋折鈔一疋綿花一斤八兩本色一斤折鈔八兩平陽潞州瀋陽中護衛汾州守禦千戶所沁州守禦千戶所瀋府儀衛司正軍校尉巡營守門鋪看倉看草老幼久病殘疾每名綿布二疋本色一疋折鈔一疋綿花一斤八兩本色一斤折

鈔八兩山西行都司所屬大同左右前後朔州天城陽  
和安東中屯鎮邊玉林威遠雲川高山山陰守禦千戶  
所馬邑守禦千戶所代府長史司帶管屯田旗軍有家  
小每名綿布二疋屯田老幼等項旗軍無家小每名綿  
布一疋綿花俱一斤八兩 又令陝西都司所屬固原  
衛西安前千戶所慶府儀衛司正軍恩軍校尉人等賞  
布花如正統七年例 又令見在寧夏西安左等衛并  
延綏慶陽三衛操備有馬餘丁每名綿布二疋綿花一

斤 又令秦府儀衛司韓府儀衛司肅府儀衛司正軍校尉有家小每名綿布三疋綿花一斤八兩隻身旗軍及巡營守門鋪養馬看倉看草老幼久病殘疾復役未及三年逃軍每名綿布二疋綿花一斤八兩 又令陝西行都二司所屬衛所旗軍該賞布花如不勾全賞照例減賞原支四疋者支與三疋原支三疋者支與二疋不敷布花照例折鈔每綿布一疋折鈔五錠綿花一斤折鈔二貫



明會典卷二十六

欽定四庫全書

明會典卷二十七

戶部十二

經費

諸司職掌

凡內外衛所正伍旗軍歲用糧米已行各該有司編置勘合對撥着令人戶自行依期送納外其仕京有未對軍人及未入正伍等項帶支人數如遇按月支糧百戶

所將所管軍人造冊申繳千戶所本所類總繳申本衛  
該衛類總具解申繳合千上司轉達本部磨算相同明  
立文案編給半印勘合字號仍定奪合於本衛倉某年  
分某字厰某糧米內支給將文冊繳回原行衙門轉下  
該倉眼同該衛委官及本倉官攢照數支放如有事故  
扣除還官支畢將實支扣除數目申達本部知數仍於  
原編字號底簿內注寫實支扣除數目以憑稽考其支  
過糧數另於內府糧冊內明白注銷其在外衛所軍人



支糧亦合一體造冊編給勘合放支

軍法定律

一指揮千百戶管軍官吏酷害軍人剋減月糧將無作  
有以有為無者許旗首軍人奏聞即將害人的官吏抄  
沒家財就與告人再加重賞若旗首通同官吏害軍者  
許軍人自告

大軍月糧式

全支照此式

某衛某千戶所某百戶某人下見在旗軍一百一十二

名該支洪武年 月分糧各支不等

總旗支米一石五斗二名

小旗支米一石二斗一十名

頭軍支米一石五十八名

次軍支米八斗二十三名

隻身支米六斗一十九名

實支米一百二石八斗整

洪武年 日百戶某人押字吏某人

事例

洪武初令在京在外各衛所馬軍曾經出塞三次馬匹  
不曾倒死者月支糧二石步軍總旗一石五斗小旗一  
石二斗軍一石二十一年令民匠充軍者月支糧八  
斗又令牧馬千戶所軍士月支糧一石二十二年  
令民丁編軍操練者月支糧一石二十三年令普定  
貴州平越三衛烏撒畢節永寧黃平千戶所興隆普安  
層臺赤水四衛軍士有家小者月支糧一石無家小者

五斗 又令廣洋衛安插達軍成戶者月支糧一石不  
成戶隻身婦女幼男五斗 二十五年令各處極邊軍  
士不拘口數多少月支糧一石 又令陝西寧夏左屯  
衛未堪入伍紀錄旗軍有家小者月支糧五斗隻身月  
支三斗俟出幼補役屯種之日住支 二十七年令江  
陰橫海水軍右等衛稍班碇手月支糧一石五斗 又  
令紹興衛三江千戶所駕海船民兵月支糧一石 二  
十八年令陣亡病故軍月支糧一石在營病故者五斗

永樂元年令松潘等處旗軍十口之上月支糧一石  
九口八口八斗七口六口七斗五口四口六斗三口以  
下五斗 五年令陝西臨邊衛分守城征哨旗軍俱全  
支米 八年令山東都司各衛所守城餘丁月支口糧  
三斗 又令糧多地方旗軍月糧八分支米二分支鈔  
少者照舊 九年令中都留守司河南浙江湖廣都司  
各衛所守城旗軍照舊全支米山西都司各衛所陝西  
都司腹裏各衛所八分米二分鈔福建廣東廣西四川

都司各衛所七分米三分鈔江西都司各衛所米鈔中  
半兼支 又令小河疊溪茂州威州四衛馬軍月支糧  
一石四斗步軍七斗餘折鈔 十三年令在京各衙門  
官軍該支俸糧鈔錠按月總關至衛戶部差監生會同  
本衛官唱名給散若有事故不到者將鈔封收候到給  
與若在鄉里隨屯住者運鈔至屯支給 十六年令差  
往賽瑪爾堪舍人餘丁原無月糧者支米一石以起程  
日為始回日住支 十九年令錦衣衛將軍月支本色

米一石餘折鈔各衛旗軍力士校尉厨役人等有家小者月支本色米六斗無家小者四斗五升餘折鈔二十二年令錦衣衛將軍總小旗每月添支糧五斗各衛總小旗軍力士校尉人等有家小者四斗無家小者一斗五升 洪熙元年令大同宣府操備官軍月支糧四斗 又令天壽山營造人匠有家小者月添米三斗

宣德元年令銅鼓衛邊軍有家小者月支糧八斗無家小五斗 三年令各處選調在京操備官軍月支行糧

三斗民匠民夫四斗 四年令在京旗軍該支月糧如  
過期三月不關者扣除在官正收作數各衙門經該遲  
悞造冊官吏叅奏拿問 又今在京各衛軍士月糧每  
衛選委指揮一員提督關給委官通同作弊者許監察  
御史糾舉 又令在京在外各衛所總小旗軍有馬者  
止支本等月糧 八年令旗軍月糧文書到倉一月半  
月不關者住支扣除 九年令各都司衛所旗軍月糧  
文書到日過三月不支者折支鈔錠 十年令四川松



潘旗軍驗口給糧小河疊溪茂州威州四衛所馬軍支糧一石步軍有家小者七斗無家小五斗 又令陝西行都司衛所旗軍有家小者月支糧八斗無家小六斗調來操備者五斗有家小者八斗 又令陝西行都司衛所旗軍月糧每石月支本色米五斗餘五斗折支銀布備禦官軍月支米五斗 又令居庸等驛甲軍照軍士例支月糧 正統元年令湖廣五開衛守城旗軍月糧先減五斗者仍令全支一石 二年令在京井外衛

修蓋城樓旗軍人匠旗軍每名月添支米一斗軍匠每名月支三斗民匠無月糧月支米五斗餘丁匠三斗又令陝西肅州衛境外墩軍月支糧八斗三年令湖廣浙江都司衛所旗軍月糧照金山等衛所旗軍例有家小原支本色米六斗者添二斗無家小原支米四斗五升者添一斗又令浙江觀海等衛安插回回月支糧四斗又令各邊夜不收軍士每月添支口糧二斗又令廣東所屬衛所旗軍月糧全支又令四川鹽井

寧番會川建昌二衛茂州越嶲衛并小河威疊三千戶  
所貴州赤水等衛所湖廣瞿塘衛忠州千戶所四川成  
都左護衛成都右等一十衛并雅州等千戶所旗軍每  
月添支米二斗 又令陝西西安等衛邊軍有家小者  
月支糧六斗無家小四斗五升餘折鈔 又令各營報  
効甲軍月支糧一石 又令征進麓川旗軍自起程日  
為始月給本色米一石事完照舊 又令陝西邊衛倉  
所收青稞支旗軍月糧每六斗准作五斗大絹一疋折

糧一石二斗大布一疋折六斗小布一疋折四斗 四年令滁州衛旗軍原支糧六斗者今添為八斗北直隸并大寧都司旗軍有家小原支五斗者添一斗無家小原支四斗者添五升老幼原支二斗者添一斗 又令陝西寧夏等四衛守墩軍士月糧有家小者添支本色八斗折色二斗無家小本色四斗八升折色一斗二升 又令陝西寧夏甘肅巡哨官軍月添支行糧三斗

五年令中都留守司鳳陽右等衛所旗軍有家小支米

六斗者添支二斗無家小支四斗五升者添支一斗五升殘疾并幼軍月支米三斗如舊所添糧俱於折色內扣除 又令貴州各衛選操旗軍總旗月支糧七斗五升小旗六斗軍人有家小者五斗無家小三斗餘俱於四川布政司官庫折支鈔 又令大河淮安二衛及鳳陽各衛所旗軍月糧有家小者每月添支米二斗無家小者添支一斗五升於折色內扣除 又令遼東廣寧等衛及定遠左等衛軍士有家小者每月添支米三斗

隻身二斗紀錄幼軍一斗 又令直隸梁城守禦千戶  
所旗軍月支糧三斗 七年令密雲中後二衛守關操  
備旗軍有家小者并興州後屯等衛調去官軍每月俱  
支米八斗行糧住支 又令陝西寧夏等衛旗軍每月  
添支米一斗餘折布絹 八年令陝西西安左等衛調  
撥甘肅延綏等處操備旗軍有家小原支本色六斗者  
添支一斗無家小原關四斗五升者添支五升 又令  
天壽山上工官軍每月行糧四斗外添支口糧二斗

又令陝西腹裏衛所旗軍三箇月全支米一石餘月米鈔兼  
支甘肅操備旗軍四箇月全支米一石餘月照舊 又令陝  
西肅州衛為事發間立功守瞭犯人月支口糧三斗 又令  
直隸蘇州松江并浙江沿海等衛所旗軍月糧有家小者添為  
一石 九年令大同宣府軍糧有家小者月支本色八斗折鈔  
二斗無家小月支本色六斗折鈔四斗 又令陝西延綏守  
邊旗軍有家小者月支米五斗豆二斗餘三斗折布 又令  
陝西行都司衛所夜不收月糧全支 十年令各處起取軍

匠定撥在京武功中衛帶管支糧 又令福建沿海衛所備

倭旗軍月支米一石 又令遼東屬衛守城軍月糧六斗內

本色三斗折鈔三斗守邊者月支本色米五斗其沿邊操哨

軍月支本色米五斗一斗折鈔 十一年令陝西甘肅旗軍月

糧折河南起運闊白綿布每疋八斗陝西綿布每疋仍折六

斗 又令陝西獵戶土民選出壯丁本衛所帶操者月支口

糧四斗 十二年令萬全都司所屬衛分不分旗軍月支米

一石米與折色銀布間月關支如遇閏月全支米 十三



年令山西行都司衛所屯軍馬隊操練者月支口糧三斗 又令陝西甘肅選操屯軍有供丁者月支米三斗 十四年令通州等衛充斗級餘丁月支口糧三斗 又令神機營牌刀餘丁月支米六斗 景泰元年令在京將軍旗校操備報効等項官軍人等該支食米一石之上者俱月支本色米一石餘折鈔 又令京營頭撥官軍月糧每月各添一斗次撥五升 三年令京通各衛倉軍等月糧有家小支六斗者添為一石無家小支四

斗者添為六斗 又令神機營操練餘丁月糧仍支六斗 又令寺子峪等二十六營操守軍士大安口等駐操八營巡哨聽調軍士有家小者月支米八斗無家小六斗行糧住支 又令各營報效舍餘有冠帶者月支米一石無冠帶有家小者八斗無家小六斗外衛官旗頭撥五斗 又令各營舍餘選出操練者月支米三斗 又令各處老幼殘疾屯軍俱令守城把門月支米三斗 又令口外旗軍照舊支月糧一石 四年令神機

敢勇報効等營并御馬監操備舍人餘丁原支三斗及  
今加六斗者俱支四斗內有冠帶者八斗遇有調用各  
加行糧二斗 五年令倒馬關旗軍月糧有家小者八  
斗無家小六斗 六年令土木榆林二驛擺站軍士月  
糧有家小者八斗無家小六斗 又令修理城垣官軍  
每月添支口糧一斗 又令四川征進守備旗軍每月  
支米八斗守城旗軍五斗老疾紀錄三斗 天順元年  
令各邊軍人不分馬步俱支本色米一石 又令各處

土兵秋冬操練支口糧春夏住支 二年令通州添蓋

倉廩旗軍月支口糧三斗 又令守瞭囚徒月支糧三

斗 成化二年令各衛旗軍月糧添支本色五升 又

令四川成都右衛旗軍月糧照貴州衛所新定事例俱

米鈔中半兼支軍人無家小者月糧六斗本色四斗折

鈔二斗老疾并紀錄各支本色三斗松茂威疊小河五

衛所總旗本色一石折鈔五斗小旗本色九斗折鈔三

斗有家小軍人本色八斗折鈔二斗無家小者本色四

斗五升折鈔一斗五升其撥堡貼守總旗本衛本色五斗五升該堡支四斗五升小旗本衛本色四斗五升該堡支四斗五升有家小正軍本衛支米三斗五升該堡支四斗無家小者該堡支米四斗五升不支行糧續令松潘等衛所旗軍有家小者月支本色一石無家小者米八斗者減去三斗老疾紀錄俱支五斗 又令四川各衛所旗軍月糧添支本色五斗 七年令陝西延綏二衛旗軍照慶陽衛例總旗月支本色八斗折鈔七斗

小旗月支本色六斗折鈔六斗有家小軍人月支本色  
六斗折鈔四斗 又令貴州軍糧總旗八斗三升者添  
為九斗六斗八升者為八斗軍士有家小五斗八升者  
為七斗無家小四斗八升者為五斗五升如糧不敷折  
給銀布 八年令大同宣府選操上班舍人照操軍例  
月支糧一石 九年令各邊軍夜不收月糧添為五斗  
又令宣府選操旗軍照邊軍例支糧 又令陝西延  
綏慶陽三衛在榆林備邊者月支本色米六斗折色四

斗支銀錢 十一年令陝西洮河岷州三衛在邊操備  
旗軍照洮州衛例月支本色米一石在衛守城雜差等  
項照臨洮等衛例月支本色六斗折鈔四斗 十二年  
令長陵等衛灑掃寶山做工旗軍月支糧一石 十四  
年令在京各衛餘丁選取在營操練者月支米六斗  
十六年令種苜蓿旗軍照養牛種菜等例月支糧一石  
十七年令大同宣府延綏寧夏甘涼遼東沿邊墩軍月  
支米三斗 又令六科廊裁縫軍匠月支米五斗 十

八年令錦衣衛女戶月支糧一石 十九年令宣府各  
城選操舍餘照在城例月支糧一石 二十年令在京  
各衛軍人月糧五月六月七月八月十一月十二月京  
倉關支正月二月三月四月九月十月通州關支 二  
十一年令永清等衛所餘丁幼匠月支米五斗 又令  
漕運軍餘月糧八斗俱支本色 又令各處沿邊沿海  
軍士月支糧八斗 二十二年令各邊守瞭及為事問  
發各邊墩臺囚徒月支米一石者減為四斗 弘治元



年令山東沿海衛所官軍月糧上半年支本色下半年折色每石折銀二錢五分 二年令尚書監選到錦衣衛軍匠幼丁月支米一石 又令交趾夷人兵仗織染局上工者月支米一石 又令御馬監養鷹餘丁月糧添為五斗 三年令萬全都司所屬衛所官軍俸糧折色照大同例每年會計山東河南并大名等府稅糧折布戶口食鹽錢鈔摘撥解赴管糧官處支給 六年令各王府近年有司僉充及民間投充校尉不許支糧

月鹽

諸司職掌

凡內外大軍關支月鹽有家小者月支二斤無家小者月支一斤其在京衛分如遇按月支鹽將該支軍名鹽數造冊申繳合干上司轉達本部磨算相同立案將原繳文用出給勘合字號坐定軍名鹽數劄付龍江鹽倉放支如有事故就便扣除支畢將實收扣除數目申報本部於原編勘合字號底簿內註銷以憑稽考仍立案

備照其在外衛所軍士月鹽亦有支鈔去處每鹽一斤折鈔一百文照例行移有司於係官錢內支給如有事故一體扣除不支

### 事例

正統二年令修蓋德勝等門做工軍餘人匠每名月支食鹽一斤 三年令甘肅等處官軍於本地出鹽去處自行撈取食用 四年令京衛調出遼東操備軍士照彼處例每名月給鹽二斤 成化十二年令見今營造

軍民人匠每名月給食鹽一斤 十三年令南北二京  
錦衣等衛軍校及各處旗校軍士月鹽一體住支

官民戶口鹽鈔

事例

洪武二十四年令揚州府泰州竈戶照溫台處三府例  
支食官鹽折納鈔貫每引二百斤米四石每米一石折  
鈔二貫五百文其鈔就准工本工本數多而鈔少官為  
補支工本數少而鈔多扣除工本外餘鈔納官 永樂

二年令兩京官吏人等及各處官民戶口食鹽每歲大口納鈔一十二貫支鹽一十二斤小口納鈔六貫支鹽六斤市民食鹽每引納鈔二百貫鄉民食鹽每引納米五石每石折鈔一百貫每引該鈔五百貫 三年令浙江等布政司并北直隸府州縣官民人等戶口食鹽各隨地徵收歲用糧多處徵米歲用糧少處徵鈔 四年令未食鹽官民人等一體見丁納鈔支鹽大口十五歲以上月支鹽一斤納鈔一貫小口十歲以上月支鹽半

斤納鈔五百文 八年令給孝陵神宮監食鹽每歲六

十斤 洪熙元年令免徵貴州宣慰使諸種人鹽鈔

正統三年令關支戶口官軍食鹽各該運司給批總填

鹽斤數目定與程期給付報照各處批驗所巡檢司照

數稱掣盤驗關防給散畢在京於戶部在外於本衙門

依限送繳仍將前批通發運司查銷 又令各處徵收

戶口食鹽鈔貫不拘軟爛但有字貫者即與收受 又

令天下戶口鹽鈔俱減半徵收官吏并隨住大口全徵

四年令該關食鹽如過期三年之上者住支 又令  
未出幼男女及孤寡殘疾充軍當匠亡故人口免徵鹽  
鈔 又令免徵貴州鎮遠等府鹽鈔 七年令山東布  
政司戶口食鹽布疋照例折鈔 九年令浙江等布政  
司并南北直隸蘓松等府州縣戶口食鹽米鈔先委官  
取勘該管人戶分豁舊管收除實在男婦大小人口并  
該徵米鈔數目造冊齎繳照稅糧實徵文冊定限差人  
送部如違限及數目不清差來人送問經該官吏查提

問罪 景泰五年令官吏人等食鹽吏典承差許報五口至十口文武官員許報十五口至三十口 成化二年令戶口鹽該納米者仍舊納米該納鈔者錢鈔中半兼收 六年令免今年各處戶口鹽鈔以後不許折收銀米 十年令戶口鹽價起解京庫者錢鈔兼收每鈔一貫折錢二文存留本處願納米者聽納鈔者照舊

弘治二年令各處戶口食鹽鈔許原封折腰對半徵收各封成塊就於批文內填寫實數解部驗進該庫交收



雜支

諸司職掌

凡倉庫一應關支錢糧及工部成造軍裝等項必須計其所用物料轉行本部劄付各該倉庫照數支給將支過數目申報作數其各司府州縣遇有祭祀及慶賀等項俱於係官錢糧內支用務要明白花銷開申上司以憑稽考

事例

永樂間令守衛官每直支米五升 七年令皇城四門  
守衛官軍該支直米照數於行部支給旗軍自造食用  
十一年令在京皇城四門守衛官軍飯食照舊支食  
十六年令給浣衣局囚婦白粳糙米青鹽食用 十  
八年令孝陵神宮監雞鴨每一隻日給稻穀一合喂養  
應天府於存留糧內折送 正統八年令守衛官直米  
住支 天順元年令仍給守衛官直米 成化十二年  
令光祿寺日給五軍營園子手正直把總指揮酒飯正

直隨伍官軍及守衛各衛官負管隊指揮等官每該班  
三日支米五升於皇城四門倉支給

明會典卷二十七

欽定四庫全書

明會典卷二十八

戶部十三

經費

國初廩祿自諸王及公侯文武官以下皆為定制其後  
又有折色之例隨時損益今具錄之

王府祿米

明祖訓

凡親王每歲合得糧儲皆在十月中一次盡數支撥其  
本府文武官吏俸祿及軍士糧儲皆係按月支給每月  
不過初五其甲仗接闕撥付所在有司照依原定數目  
不須每次奏聞敢有破調稽遲者斬

凡親王錢糧就於王所封國內府分照依所定則例期  
限放支毋得移文當該衙門亦不得頻奏若朝廷別有  
賞賜不在已定則例之限

凡親王郡王王子王孫及公主郡主等每歲支撥

親王唐制歲該穀四千八百石絹四千八百匹綿  
四百五十斤宋制領節度使歲該穀二千四百石  
錢四千八百貫絹二百疋綾一百疋羅十疋綿五  
百兩今定米一萬石

郡王唐制歲該米七百石田六十頃宋制領觀察  
使歲該粟一千二百石錢二千四百貫絹二十疋  
綿五十兩今定米二千石

鎮國將軍唐制歲該米六百石田五十頃宋制郡

王子以下量材授官照其官品高下給祿今定米一千石

輔國將軍唐制歲該米五百石田四十頃今定米八百石

奉國將軍唐制歲該米四百石田二十五頃今定米六百石

鎮國中尉唐制歲該米三百石田十四頃今定四百石



輔國中尉唐制歲該米二百石田八頃今定米三百石

奉國中尉唐制歲該米一百石今定二百石

公主及駙馬食祿米二千石

郡主及儀賓食祿米八百石

縣主及儀賓食祿米六百石

郡君及儀賓食祿米四百石

縣君及儀賓食祿米三百石

鄉君及儀賓食祿米二百石

凡皇太子次嫡子并庶子既封郡王之後必俟出閣每歲撥賜與親王子已封郡王者同女俟及嫁每歲撥賜與親王女已嫁者同

凡郡王嫡長子襲封郡王者其歲賜比初封郡王減半支給

各府祿米

秦府

秦王歲支祿米一萬石米鈔中半兼支郡王初封歲支祿米二千石本色五百石折色一千五百石襲封一千石米鈔中半兼支鎮國將軍歲支祿米一千石輔國將軍歲支祿米八百石奉國將軍歲支祿米六百石鎮國中尉歲支祿米四百石俱米鈔中半兼支

晉府

晉王歲支本色祿米一萬石郡王初封歲支祿米二千石襲封一千石米鈔中半兼支鎮國將軍歲支祿米一

千石輔國將軍歲支祿米八百石奉國將軍歲支祿米  
六百石鎮國中尉歲支祿米四百石俱米鈔中米兼支

周府

周王歲支本色祿米二萬石襲封歲支本色祿一萬二  
千石郡王初封歲支祿米二千石襲封一千石俱米鈔  
中半兼支鎮國將軍歲支祿米一千石輔國將軍歲支  
祿米八百石奉國將軍歲支祿米六百石鎮國中尉歲  
支祿米四百石俱米鈔中半兼支

楚府

楚王歲支本色祿米一萬石郡王初封歲支祿米二千石襲封一千石俱米鈔中半兼支鎮國將軍歲支祿米一千石輔國將軍歲支祿米八百石奉國將軍歲支祿米六百石鎮國將軍歲支祿米四百石輔國中尉歲支祿米三百石俱米鈔中米兼支

魯府

魯王歲支祿米一萬石米鈔中半兼支郡王初封歲支

祿米二千石襲封一千石俱鈔米中半兼支鎮國將軍  
歲支祿米一千石輔國將軍歲支祿米八百石奉國將  
軍歲支祿米六百石俱米鈔中半兼支

蜀府

蜀王歲支本色祿米一萬石郡王初封歲支米二千石  
襲封一千石俱米鈔中半兼支鎮國將軍歲支祿米一  
千石輔國將軍歲支祿米八百石奉國將軍歲支祿米  
六百石俱米鈔中半兼支

代府

代王歲支祿米六千石米鈔俱中半兼支郡王初封歲  
支祿米二千石襲封一千石俱米鈔中半兼支鎮國將  
軍歲支祿米一千石輔國將軍歲支祿米八百石奉國  
將軍歲支祿米六百石俱米鈔中半兼支

肅府

肅王歲支祿米一千石本色七百石折色三百石郡王  
初封歲支祿米一千石米鈔中半兼支襲封同

遼府

遼王歲支本色祿米二千石郡王初封歲支祿米二千石襲封一千石俱米鈔中半兼支鎮國將軍歲支祿米一千石輔國將軍歲支祿米八百石奉國將軍歲支祿米六百石鎮國中尉歲支祿米四百石輔國中尉歲支祿米三百石奉國中尉歲支祿米二百石俱米鈔中半兼支

慶府



慶王歲支祿米一萬石本色七千五百石折色二千五

百石

正德五年革祿米三之一

郡王初封歲支祿米一千石米鈔中

半兼支襲封同鎮國將軍歲支祿米一千石輔國將軍  
歲支祿米八百石奉國將軍歲支祿米六百石俱米鈔  
中半兼支

### 寧府

寧王歲支祿米一萬石米鈔中半兼支郡王初封歲支  
祿米一千石米鈔中半兼支襲封同鎮國將軍歲支祿

一千石輔國將軍歲支祿米八百石奉國將軍歲支祿米六百石俱米鈔中半兼支

岷府

岷王歲支本色祿米一千五百石郡王初封歲支祿米一千五百石米鈔中半兼支襲封同鎮國將軍歲支祿米一千石輔國將軍歲支祿米八百石俱米鈔中半兼支

韓府

韓王歲支祿米三千石本色二千石折色一千石郡王

初封歲支祿米一千石米鈔中半兼支襲封同鎮國將軍歲支祿米一千石輔國將軍歲支祿米八百石奉國將軍歲支祿米六百石鎮國將軍歲支祿米四百石俱米鈔中半兼支

藩府

藩王歲支祿米一萬石本色六千石折色四千石郡王初封歲支祿米二千石襲封一千石俱米鈔中半兼支鎮國將軍歲支祿米一千石輔國將軍歲支祿米八百

石奉國將軍歲支祿米六百石俱米鈔中半兼支

唐府

唐王歲支本色祿米五千石郡王初封歲支祿米二千石襲封一千石俱米鈔中半兼支鎮國將軍歲支祿米一千石輔國將軍歲支祿米八百石奉國將軍歲支祿米六百石俱米鈔中半兼支

伊府

伊王歲支本色祿米二千石郡王初封歲支祿米二千

石襲封一千石俱米鈔中半兼支鎮國將軍歲支祿米一千石米鈔中半兼支

趙府

趙王歲支祿米一萬石米鈔中半兼支郡王初封歲支祿米二千石襲封一千石米鈔中半兼支鎮國將軍歲支祿米一千石輔國將軍歲支祿米八百石

鄭府

鄭王歲支本色祿米一萬石郡王初封歲支祿米二千

石襲封一千石俱米鈔中半兼支

襄府

襄王歲支本色祿米一萬石郡王初封歲支祿米二千石襲封一千石俱米鈔中半兼支

荊府

荊王歲支本色祿米一萬石郡王初封歲支祿米二千石襲封一千石俱米鈔中半兼支鎮國將軍歲支祿米一千石米鈔中半兼支

淮府

淮王歲支祿米一萬石米鈔中半兼支郡王初封歲支祿米一千石米鈔中半兼支襲封同

德府

德王歲支本色祿米一萬石郡王歲支祿米二千石米鈔中半兼支

秀府

秀王歲支本色祿米一萬石

後國絕

崇府

崇王歲支本色祿米一萬石郡王初封歲支祿米二千石米鈔中半兼支

吉府

吉王歲支本色祿米一萬石

徽府

徽王歲支本色祿米一萬石郡王初封歲支祿米二千石襲封一千石俱米鈔中半兼支



興府

興王歲支本色祿米一萬石

岐府

岐王歲支本色祿米一萬石

後國絕

益府

益王歲支本色祿米一萬石

衡府

衡王歲支本色祿米一萬石

雍府

雍王歲支本色祿米一萬石

後國絕

壽府

壽王歲支本色祿米一萬石

汝府

汝王歲支本色祿米一萬石

涇府

涇王歲支本色祿米一萬石

榮府

榮王歲支本色祿米一萬石

靖江王府

靖江王歲支本色祿米一千石輔國將軍歲支祿米八百石奉國將軍歲支祿米六百石鎮國將軍歲支祿米四百石輔國中尉歲支祿米三百石奉國中尉歲支祿米二百石俱米鈔中半兼支

會典所載俱係弘治十五年以前事例惟王府祿米事

重且切其以後續封并已國絕者特備錄之以便觀覽

### 事例

永樂二十二年令鄭王越王襄王荆王梁王淮王滕王

祿米暫各給三千石俟之國別立常典

自後親王受封未之國俱如此

例

宣德八年奏准王府祿米折色每石鈔十五貫

正統七年令各主府祿米折鈔俱依文武官例每一石折鈔二十五貫 十二年奏准各王府祿米將軍自賜名受封日為始縣主并儀縣侯官出閣成婚日為始皆

於附近州縣秋糧內定撥鈔於官庫內支給 又令王府祿米折鈔每石仍十五貫 景泰七年令給郡王將軍等祿米若出閣在前受封在後以受封日為始受封在前出閣在後以出閣日為始 成化二年奏准郡王祿米俱於親王府倉上納聽按季支用鎮國將軍等祿米於有司官倉收貯二次支給 十七年奏准親王原有額設官攢者布按二司委官督同長史司并該倉官攢收受郡王以下無官攢者發附近有司官倉另敷收

貯聽各府差人關領若原屬本城大府取者仍舊自後  
不許奏討本府自收及折收銀兩 弘治三年奏准各  
王府郡王將軍儀賓祿米本色折色俱依先定之數不  
得奏討折色改支本色 又令王府將軍等重出領狀  
冒支官糧者革去所支祿米十分之二自後將軍儀賓  
有犯悉照此例 七年奏准各王府儀賓祿米俱本色  
四分折色六分 十三年奏准王府祿米若本府官員  
內使旗校管莊人等干預撥置折收銀兩多收米麥索

要財物及邀截納戶用強兌支并擅自差人下府州縣  
催徵騷擾者旗校人等杖罪以上發邊衛充軍官負內  
使監候奏請發落若輔導官及布按兩司巡守官縱容  
不舉并府州縣官聽從差來人役徵擾者俱參問奏請  
降調

已上支給

正統二年令親王郡王薨及將軍等卒祿米即住支所  
遣男女以封者皆奏請量給養贍米候冊封住支其無

男女之妃與夫人或庶母亦奏請量給米養贍身終住  
支若由郡王襲封親王者郡王祿米住支凡該住支而  
過支者於見支祿米內扣除 又令親王郡王將軍等  
有坐罪降為庶人者皆臨時請旨令所在官司量給衣  
米布帛薪油什物之類養贍用度卒後所遺妻子亦如  
之其有歲久人口漸增者仍請旨量為加增 弘治元  
年奏准庶人使女止許四口每月給米一石歲給絹  
布各一疋 十二年奏定凡親王薨子幼或無子者其



所遺母妃及女并宮人歲給米二百石襲封日停止郡  
王薨母及妃女并宮人歲給米一百石母妃故女受封  
各減十石鎮國等故軍故母及夫人淑人及女并家眷  
歲給米五十石母夫人淑人故女封各減十石鎮國等  
中尉故母及恭人宜人安人女并家眷歲給米三十石  
母恭人宜人安人故女受封各減五石自郡王而下所  
給米無子者俱止養贍終身子幼者俱襲封日停止其  
郡王宮人并將軍中尉等家眷本部十年一次行各布

政司查勘有亡故者每一人亦減五石所減米俱自查勘日為始亡故盡則通行停給

已上養贍

公侯駙馬伯祿米

事例

洪武初凡公侯駙馬伯祿米皆給官田令量其原定官糧私租之數依主佃分數收取二十五年令公侯伯皆給祿米論功定數舊賜田還官與駙馬儀賓祿米俱

全支本色 永樂二年令公侯駙馬伯祿米照文武官  
例米鈔兼支五千石至三千五百石者支米二千石二  
千五百石者支米一千五百石二千石者支米一千石  
一千五百石至一千一百石者支米八百石一千石者  
支米七百石九百石者支米六百石八百石者支米五  
百石四百石者支米二百五十石其餘折鈔二百以下  
全支米 二十二年令公侯駙馬伯祿米折鈔俱於南  
京支麥 洪熙元年令公侯駙馬伯折鈔祿米米麥兼

支 宣德六年令以承運庫生絹准給公侯伯祿米一  
半每疋折米二石 正統元年令仍照舊米麥兼支  
十一年令公侯駙馬以南京該支三分本色照在京軍  
職折支絹者聽 十二年奏准公侯伯祿米有自願分  
與族親者聽不願與者親族不許爭訟分奪 景泰元  
年令公侯伯祿米仍米鈔兼支 六年令以龍江鹽倉  
鹽照文武官例准支南京公侯駙馬伯祿米 七年令  
以太倉庫折草銀准支公侯駙馬伯折色鈔每銀一兩

准鈔七百貫 成化十九年奏准公侯伯祿米本色折  
色之數子孫承襲之時俱照舊該部奏請取自上裁

二十年令公侯駙馬伯本色祿米每石暫折銀七錢以  
後仍照舊例 弘治元年令公侯駙馬伯本色祿米仍  
折支銀 十年令兩京公侯駙馬伯本色祿米自後每  
石折銀七錢

明會典卷二十八